



07156

光緒丙申秋月

詠物詩

武進莊滄書



錢塘丁
氏重梓

光緒丙申秋月



少日見謝宗可詠物詩愛之因效其體亦擬百篇其已
詠者不重出也大抵詠物之作拘於題則固執不通有
黏皮帶骨之陋遠於題則空疏不切有捕風繫影之失
故自昔名家鮮有此作被謫以來原稟久已失去留滯
山後追憶舊章得其全者四十首書附吟稟以備遺忘
且以應答士友之知而求索者及回南京又於鄉友董
以誠處得其所傳三十首今至淞江居閒事簡復續三
十首以足百篇之數才疏語拙不可追配前人藏之家
塾以資吟覽庶不忘少日之勤苦用心爾倘有見者幸
勿以前所言二病爲誚也時宣德己酉八月上澣樂全
叟書於郡庠之西樓

詠物詩序

詠物詩

錢塘

瞿佑

宗吉

香泉一採蓮舟

香泉

香泉

依紅汎綠往來頻，載得盈盈一段春。
荷葉叢深難問路，瓜皮樣小恰容身。
撐歸別浦飄香袖，擢入回塘動白蘋。
幾度風來聞笑語，隔花應有斷腸人。

織錦機

織錦機

織錦機

綠紗窗下響咿啞，知是秦川第幾家。
五色染成長命縷，雙頭挽就合歡花。
只愁轉軸勞筋力，莫謾投梭損齒牙。
不似繡牀閒坐倦，自將辛苦作生涯。

茶鑪

茶鑪

茶鑪

詠物詩

有耳原非鼎鼐材，只宜烹茗待賓來。
煖分道室金丹火，冷撥山房鐵筋灰。
車轉羊腸聲漸急，香浮雀舌夢初回。
若教移對舒州杓，又屬詩人舉酒杯。

香桌

香桌

香桌

雕檀斲梓樣新奇，霧閣雲窗任轉移。
金獸小身平立處，玉人纖手並擡時。
輕煙每向穿花見，細語多因拜月知。
有約不來閒凭久，麝煤煨盡獨敲棋。

花餅

花餅

花餅

香泉一勺淨無塵，小器翻成席上珍。
密把英華齊藉口，虛將心腹暗藏春。
送行不是沙頭玉，引恨元非井底銀。
貪揀俏枝停久立，閨中偏稱曉妝人。

樣比金篋制造精
蘭膏燒盡剔紅英
指揮鉛水蛾難近
鎮壓銀缸鼠不驚
只戀筒編依淨几
不貪珠翠上長擎
主人若去登天祿
擬效青藜照眼明

開關掃擣衣石

一方滑淨絕苔錢
才屬秋閨響便傳
長夜未央風陣急
美人相對月華圓
高於鳳闕黃金礎
厚勝花階綠玉甄
幾度晚涼眠不得
丁東聲到客愁邊

三殿開熨衣斗

有柄何曾挹酒漿
隨時用捨屬閨房
幹旋天上陽和氣
平貼人間錦繡香
翠袖捲紗移玉腕
金篝分火近牙牀

詠物詩

衣成遠寄征夫去
印顆何時肘後黃

種菊鉏

三逕開成草自青
靈苗分植滿閒庭
春泥微宛金鴉嘴
夜雨新抽翠鳳翎
谷口長鑿貧杜甫
原頭短鋤醉劉伶
算來不抵淵明好
日日籬邊嗅晚馨

一丈摺疊扇

開闢清風紙半張
隨機舒卷豈尋常
金環並束龍腰細
玉柵齊編鳳翅長
偏稱遊人攜袖裏
不勞侍女執花傍
宮羅舊賜休相妬
還汝團圓共夜涼

紙團扇

齊紈魯縞漫紛紜
曾似溪藤獨建勳
玉斧修成天上月

金刀翦落洞中雲，三都價貴供詞賦。一枕風清卻垢氛，
作字題詩總相稱。練裙何必戲羊欣，

菊花枕

不共茱萸入酒甌，相親似欲老溫柔。愁吟長伴風霜夜，
醉臥不知天地秋。蝴蝶有香來夢裏，黃金無價滿牀頭。
並歌莫愛鴛鴦穩，贏得相思事可憂。

虎皮褥

南山遺害已驅除，裁就文袍任捲舒。不製征鞍隨將士，
卻登講席奉師儒。夜無惡夢來燈下，晝有威風起座隅。
每向高堂鋪設處，能令馮婦亦回車。

象牙梳

詠物詩

三

不與豪門製寶牀，晨昏用舍屬蘭房。一鉤獨現雲鬟側，
八字平分翠鬢傍。溪女莫誇銀櫛貴，宮嬪空愛玉釵長。
從教座上無油木，勸酒行看出豔妝。

鮫綃帕

繭結扶桑出海濱，遠隨機杼倩鮫人。不裁洛浦凌波襪，
能代湘川拭淚巾。紫麝熏香收汗潤，彩毫傳恨寄情真。
吳綾輕薄番羅俗，出袖宜同掌上珍。

鰕鬚簾

會向長鬚國裏遊，鮫人貿易特相留。價高珠琲三千斛，
名重神仙十二樓。海色侵人褰翠幕，龍光射屋捲金鉤。
相知賴有騎鯨客，滿酌螺杯當賞籌。

螺杯

海山珍器琢磨成，來伴犧樽與兕觥。
花底最宜邀皓月，席間偏稱吸長鯨。
琉璃琥珀非同品，鸚鵡鸕鷀有異名。
縱飲不須嫌量窄，請看測海向蓬瀛。

橙杯

平分半殼洞庭秋，香霧霏霏勝玉甌。
左手持螯增蘊藉，東籬賞菊賸風流。
胸吞雲夢言非誑，曲奏吳鹽味頗投。
寄語黃甘并陸吉，較勳輸我醉鄉侯。

碧筒杯

傾銀注玉厭華筵，分得青雲向水邊。
手障百川同赴海，身扶一柱獨擎天。
金莖靈液絲絲露，石眼空青滴滴泉。
飲後不須愁酒渴，花間自有藕如船。

詠物詩

四

鸚鵡杯

天生珍貝作杯觴，鯨吸能添飲興長。
李白真堪託生死，禰衡何必擅文章。
江風海雨增豪量，隴樹巴雲接醉鄉。
若使能言便多事，舞裙歌扇費評量。

鶴骨筴

不將禮幣葬元黃，身後宮商要品量。
玉管裁成斑竹樣，星筒噴出紫芝香。
魂飛赤壁曾留夢，聲徹瑤臺已斷腸。
一曲仙音誰和得，龍吟碧海鳳鳴陽。

羊毫筆

毛穎年深老不能，中書模畫歎難勝。
管城忽現左元放

草澤不容巖子陵壁上榴皮功可述門前竹葉事無憑
剛柔何必吹毛問耐久真堪作友朋

水晶筆架

三峯近列硯池頭光照文房爛不收冰壑夜寒龍獨臥
雪山春暖兔羣遊彩毫倚閣功應就銀管依棲價未酬
別有珊瑚新琢樣策勳畢竟是誰優

水滴水滴生

不飲人間洗耳餘案頭毛穎可同居一泓黑水犀潛海
萬斛文源角挂書涓滴可甦當道喘辛勤曾見帶經鋤
火攻莫試田單策傾瀉那知腹易虛

硯池

詠物詩

五

活水源頭一脈清文林藝圃藉滋榮旗搖彩影龍蛇動
筆奪元機風雨驚螢火不愁乾欲死蠹魚今喜放長生
遙思紫玉潭中事靈怪紛紛鬧幾更

鼇山

燈火元宵擁翠微飛來海上是耶非樓臺夜識金銀氣
嶺岫春回日月輝龍伯國人垂釣去水宮仙子步塵歸
女媧立極多勞苦不似東風錦繡圍

藥鼎

白雪紅鉛自有花何須句漏問丹砂香煙滿屋結蒼霧
丹氣穿林生紫霞修鍊欲通三島路烹調不入五侯家
彌明豈識君臣品惟把龍頭豕腹誇

量酌香塵盡左旋曾煩巧匠爲雕鐫螢穿古篆盤紅燄
鳳遶迴文吐碧煙畫內僅容方寸地數中元有範圍天
老來無復封侯念日日移當繡佛前
長廊懸掛發鯨音鱗甲光芒欲倍尋跳躍幸離生死海
空虛已斷去來心闍黎課密鐘常早長者恩多水共深
龍象有靈能拱護不隨波浪去浮沉
鍊鐵能成八駿形渾身堅甲四蹄輕向空騰踏風塵動
逐隊回旋劍戟鳴妝閣香消驚曉夢畫堂月轉起秋聲

蘇物詩

六

玉關路阻金河遠牽付將軍致太平

翫翫剪刀

巧製工夫百煉鋼特來闍閣共行藏雙環對展魚腸快
兩股齊開燕尾張鍼綫有功憑製造綺羅無價任裁量

隨機鏤出新花樣長在佳人玉指旁

器小纜堪貯百千也勝撲滿費陶甄書生紙裏真堪笑

鄰女香囊亦可憐野步不須蹊上繫市沽何用杖頭懸

畫又更有黃州竹取用隨時合自然

新琢珊瑚小更堅爲誰撐拄十三絃斜排陣勢移銀甲

促滾歌聲鬧綺筵馬繫遊韉行不定雁銜征信去相連
曲終莫遣成孤令收貯香囊若箇邊

琵琶絃

筋拔鶻雞響便調檀槽鐵撥可論交人逢湓浦揮紅袖
曲按梁州袞六幺布施空教繫帶帶相思安得續鸞膠
可憐嚴武無情甚忍使芳花半夜彫

金粟散子

樗蒲局裏任提撕圓轉隨時效滑稽力士賜緋心獨喜
媚孃雙陸夢多迷深藏玉手拈羅帕輕打牙盤刻樹雞
卻憶咸陽客舍裏呼盧喝雉燭花低

線香

詠物詩

七

搗麝篩檀入範模潤分薇露合雞蘇一絲吐出青煙細
半炷燒成玉筋麤道士每占經次第佳人惟驗繡工夫
軒窗几席隨宜用不待高擎鵲尾爐

椰瓢

珍果南來出瘴鄉汪汪滿腹貯瓊漿鑿開混沌通天竅
製作團欒薦酒觴隱者亦曾懸樹杪詩人何必棄溪傍
一簞飲食知同味卻笑匏瓜只繫將

鞦韆燈

弓樣新裁瘦不禁分明一掬照花陰凌波未試彎彎玉
踏月還生步步金細蕾先開傳密意赤繩雙繫結同心
少年前度相看處惟恨秋千別院深

比翼難忘繾綣恩，一雙乘夜泊朱門。
焚膏照破香衾夢，翦紙招來怨冢魂。
火樹銀花相掩映，羅帷繡幙共溫存。
舊遊莫說乾明寺，紅袖春宵浥淚痕。

怒挾爭機下絳臺，月明照見影毵毵。
彩鸞舞鏡腸應斷，丹鳳迎陽尾乍開。
五德有名終氣合，兩雄相厄未心灰。
孟韓聯句誰能續，燒盡東風畫燭煤。

天花無數月中開，五色祥雲繞絳臺。
墮地忽驚星彩散，飛空頻作雨聲來。
怒撞玉斗翻晴雪，勇踏金輪起疾雷。

詠物詩

八

更漏已深入漸散，關竿挑得綵燈回。

天竺無影戲

燈火光中夜漏遲，風輪旋轉競奔馳。
過來有迹人爭覩，散去無聲鬼不知。
月地花階頻出沒，雲窗霧閣暫追隨。
一場變幻如春夢，線索重看傀儡嬉。

新泉活火試旗槍

入耳俄聞抑又揚，花落客亭春夢短。
雪飄僧舍夜更长，細如澗水穿冰壑。
清似松風振草堂，黃丸窮來詩更好。
解言車鼓遶羊腸。

屠蘇酒

紫府仙人授寶方，新正先許少年嘗。
八神奉命調金鼎

一氣回春滿絳囊靈液夜流千尺井春風曉入九霞觴
便將鳳歷從頭數日日持杯訪醉鄉

菖蒲酒

採得靈根傍藕塘祇因佳節屆端陽金刀細切傳纖手
玉笋輕浮送異香廚薦鱗魚冰作膾盤俱角黍蔗爲漿
同時節物充筵會縱飲何妨入醉鄉

蓮花白酒

厭飲葡萄酌紫霞喜傳釀法自仙家也知東老偏憐客
故遣西施贖採花玉井汲泉浮曉甕金盤承露浥天葩
從今渴飲無冬夏學士休誇雪水茶

花籃髻

詠物詩

九

春色何曾間四時一筐攢簇上青絲同心對挽團圓結
連理平分分左右枝低映桃花紅處臉斜侵柳葉翠邊眉
鬪竿不許閒人得只有釵梁雙燕知

紅指甲

金盤和露搗仙葩解使纖纖玉有瑕一點愁疑鸚鵡啄
十分春上牡丹芽嬌彈粉淚拋紅豆戲掐花枝鏤絳霞
女伴相逢頻借問幾回錯認守宮砂

碧甸指環

一點萍星落指尖分明界破玉纖纖眼看翠靨侵銀甲
手弄花鈿出鏡奩懷寶自知承寵厚賜環誰妬受恩兼
鳳仙更索柔荑染紅綠爭春色倍添

錫婆

困倚蒲團罷煮湯一團和氣有商量生來不作閒雲雨
老去偏多熱肺腸金母有心同壽域竹奴無意妒專房
布衾紙帳風霜夜始信溫柔別有鄉

壓被孩兒

翠屏繡褥兩相新占斷鴛幃富貴春有分長眠紅錦帳
無心閒惱白頭人不求阿母金訶乳肯踏羣兒竹馬塵
引得熊羆來吉夢卻因弄假偶成真

雪獅

天宮夜降玉麒麟勢壓金猊席上珍百獸稱王光照夜
六花被體氣回春滾毬仙苑追前跡鐫石侯門現後身

詠物詩

十

要使威風長鎮宅煉形更鑄寶坊銀

桃花馬

汗血龍駒自有神雪毛霞暈兩相勻帶將阿母池頭景
散作元都觀裏春鴻鵠追傳千里信蜚蜂飛逐四蹄塵
驪黃赭白何須數獨據仙源立要津

金絲犬

擺尾搖頭慶所遭愛同獅子銜金花前喜共狸奴戲
月下難隨狗黨噪易卦已曾稱小畜書篇底用詫靈爨
主翁要使防門戶兔逐韓盧較獵勞

玳瑁貓

皮毛斑駁爪牙堅食有鮮鱗臥有瓊海客徒能知黑暗

舟人自愛畜烏圓磨簪製帶非同品捕鼠銜蟬是獨權
卻笑老狸誇玉面竟遭鼎鑊薦盤筵

白兔

白玉狻猊脫鼻羈遠隨重譯到皇畿
仙山昔慣餐霞草月殿今看舞羽衣
塵褐已將狐換腋霜毫欲與雪爭輝
蒼鷹黃犬休回顧拔宅西來得所依
脫穎來從洗墨池中書喜得近龍墀
日中好與陽鳥對月殿那教獵犬知
自守一元甘寂寞不營三穴費支持
管城若要加封號弊卻緇衣又改爲

白鹿

詠物詩

十一

角端字刻表銅牌知向宜春勝地來
仙子倒騎歸闈苑聖君馴養在靈臺
長生自得千年壽間色誰將二女猜
待看呦呦食苹後吹笙鼓瑟慶筵開

白鷹

早雕赤鵲漫紛紜毛翮安能脫垢氛
海外飛來如片雪天邊颺去似孤雲
素鸞安尾求爲伴皓鵠昂頭欲趁羣
玉爪金眸期一縱要看得備策奇勳

白燕

脫卻烏衣絕點瑕銀屏珠箔舊生涯
玉京老去妝初改玉樹歸來鬢已華
避雨有時沾柳絮夢雲何處認梨花
飛瓊不向瑤臺去卻入尋常百姓家

孤鴈

失伴離羣不憚勞此心終不在蓬蒿百年海內皆兄弟
萬里雲間一羽毛夜月相隨形影在秋風獨立性情高
鴈行鷺序休相笑朋黨何須似爾曹

喜鵲

簷前喞喞噪無休多爲深閨卜遠遊吉語偏能報歸客
舊巢多是借鳴鳩萬年枝上迎風露五色雲中度女牛
若使有靈能化印幾人談笑覓封侯

鬪雞

五德名稱不自持怒憑爪觜決雄雌三郎好勝眞英主
亞子爭強豈小兒兩陣猛如劉項敵一場喜入孟韓詩

詠物詩

十二

紅羅纏頂收功後贏得旁觀舉酒厄

烏骨雞

白毛烏骨獨超羣氣質雖殊五德存行處每隨金孔雀
生前應是黑崑崙元冠勇赴三軍敵黑距雄誇兩足尊
聞道醫家脩妙藥擬同參朮策奇勳

雞雛

殼分混沌見精神鳳侶鸞儔暫化身傍母浴沙花徑午
隨羣啄粟草堂春饒貓屋後垂涎久飢鷄天邊側目頻
羽翼漸成文采備不陪談論亦司晨

僧房鶴

縞袂元裳骨已仙聽經來過法堂前夜翻松頂霑衣露

書遊壚頭煑茗煙神駿不隨支遁馬清間宜對遠公蓮
舊遊鹿苑曾相識一落禪林又幾年

梅邊睡鶴

困翼難巢滴露松暗香浮處託孤蹤風生東閣春來早
月到南枝夜未中夢與青鸞遊上苑魂隨蝴蝶落芳叢
逋仙去後相知少又向橫江掠短篷

紅蜻蜓

蜨粉蜂黃氣正驕愛渠欵欵集蘭苕翅攢霜葉飛難定
日聚燈花焰未消偷咀仙霞傳祕訣戲塗猩血點纖腰
寫生好倩毘陵筆濃蘸臙脂上輭綃

黃蝶

詠物詩

誤入蜂房不待媒巧傳顏色換凡胎遠籬野菜流連住
何處金錢變化來傳粉已知前事錯偷香未信此心灰
上林鶯過頻回首一色毛衣莫用猜

鬼蝴蝶

飛鳥曾聞載鬼車粉香何事亦隨邪傷生不惜身投火
抵死猶將命乞花望帝精靈枝上血韓憑魂魄墓前沙
一般有恨難消滅夢裏相逢更可嗟

蜂房

戶牖誰教各自開花間衙退海潮來分門豈慮添丁惱
釀蜜應防闌課催蟻穴尙能藏郡國龍宮亦有樓臺
書生苦欠立錐地憑仗東風爲作媒

蛛網

來往巡檐不憚劬經營何異緝吾廬曉風倒挂蜻蜓尾
暮雨雙黏蛺蝶須屋角儘教長掩護杖頭不用苦驅除
夜來露重春煙暝綴得瑩瑩萬顆珠

高臺不見鳳凰泥

水溢芹塘過晚潮土膏滋潤長蘭苕綠楊影裏和煙入
紅杏香中帶雨調舊壘綢繆惟恨晚空梁零落可憐宵
貪高笑爾雙烏鵲結得危巢易動搖

白雲心金魚

逐隊隨羣樂自如桃花浪暖變形軀散如萬點流星迸
聚似三春濯錦舒玉帶高懸知陞見紫囊同賜憶朝除

詠物詩

十四

池中有此稱三寶須備神龍攫火珠

玉簪花

白露初凝氣候涼花神獻寶助新妝移來銀色三千界
壓盡金釵十二行秋水爲神冰琢骨龍涎作炷麝傳香
不須石上憂磨折長在佳人翠髻傍

水仙鳳仙花

高臺不見鳳凰飛招得仙魂慰所思秋露庭除蛩泣處
晚風籬落燕歸時金盆夜搗聲相應銀甲春生色更宜
好情良工揮彩筆寫成竹葉夾桃枝

紅木犀

滴露研朱染素秋輕黃淡白總包羞量空金粟知難買

擊碎珊瑚惜未收
仙友自傳丹竈術
狀元須作錦衣遊
一枝擬問嫦娥乞
管取花神暗點頭
蠟梅

玉骨冰肌本自奇
年來何事貌如槁
麝香熏透含風蕊
金粉妝成帶雪枝
簷下採香煩蝶使
池邊弄色妬鶯兒
漢宮嬌額誰能識
恍惚相逢信又疑
元是仙人萼綠華
偶隨春色到天涯
捧心忽見眉顰翠
映肉長將袖捲紗
應厭紅椒含蓓蕾
尙嫌碧蘚護槎枒
待看結就含酸子
本色青青是一家
白山茶

詠物詩

消盡林端萬點霞
叢叢綠葉襯瑤華
寶珠買斷春前景
宮粉妝成雪裏花
餘子競傳丹竈術
此身甘傍玉川家
江頭梅樹無顏色
何況溪邊瑞草芽
仙臺風露淨秋輝
不數端陽蜀錦機
正色妝成菩薩面
濃香熏透女眞衣
菊投老圃開何晚
桂入蟾宮見亦稀
獨捧檀心能慰藉
金杯傾側醉相依

胭脂菊

露浥霜凝色未消
只疑洗茜染侶條
香從渭水波中漲
魂向陳宮井畔招
春透桃顛開笑臉
酒蒸霞頰暈紅潮
癡人費盡金錢買
擬向東籬見阿嬌

西施菊

不惜金錢買冶容，移根應自館娃宮。
西風冷落三秋後，故國繁華一笑中。
戲蝶留連香徑晚，遊人悵望屨廊空。
莫教野鹿偷銜去，留映蘇臺夕照紅。

荔枝菊

元是風流十八娘，七閩分種過南陽。
留連晚曉窺紅顆，憑仗秋風折絳囊。
知味曾蒙妃子笑，採香還乞楚人嘗。
兒童一見爭攀取，佳實初經滿徑霜。

垂絲海棠

嫋嫋東風拂苑牆，天機呈巧織仙裳。
玉欄斜搭酣春睡，銀燭高燒照晚妝。
華屋雨寒愁緒亂，綺窗日暖唾茸香。
詩成儻有纖毫補，願醉佳人錦瑟傍。

詠物詩

十六

二色桃花

花神弄巧泄元機，異品同根世所稀。
紅雨亂隨香雪墜，碧雲低傍彩霞飛。
汗沾妃子新妝面，唾點昭儀舊舞衣。
好似天台諸女伴，深顰淺笑送郎歸。

白楊梅

乃祖楊朱族，最奇諸孫清白。又分枝炎風不解，消冰骨寒粟偏能上玉肌。
異味每煩山客贈，靈根猶是聖僧移。水晶盤薦華筵上，酪粉鹽花兩不知。

紅瓢瓜

採得青門綠玉房，巧將猩血沁中央。
結成晞日三危露，

瀉出流霞九醞漿溪女洗花新染色山翁鍊藥舊傳方
賓筵滿把瑛盤飮雪藕調冰倍有光
竅斷鮫絲面發紅披紅一笑逞妖容提攜纔出汗泥內
點染重歸色界中酒暈冰顛含蘊藉霞蒸玉骨照玲瓏
六郎傳得還丹術更約相尋太華峯
初出波心葉半含乍舒還捲密浮藍舞衣對束青鸞錦
封事齊藏綠玉函酒沁碧簫留客飲龜巢翠繭倩誰探
南風漸見吹成蓋又聽千聲夜雨酣

斑竹

詠物詩

七

班資合受管城封老著萊衣跡愈窮江上啼紅思二女
案邊投筆恨同宗生花自合來仙鳳全節何勞記守宮
賴有良工能採擇繡簾妝點認遺蹤

繡墩草

沿階傍砌密成叢輒似青氈細似茸葉底收藏惟橄欖
花間映帶有芙蓉佳人拾翠行窩穩穉子攤錢坐席重
况有靈根供藥餌美名重號麥門冬
寄生草

要路閒門雨不過生來惟戀舊枝柯似嫌樹底泥塗滑
應愛梢頭雨露多苒苒欲遮螻蟻穴萋萋得近鳳凰窠
教坊樂府多新製傳得佳名入豔歌

亂隨馬足散銀杯曉妝都棄香奩粉夜坐頻

□□□□□□□□□□□□□□□□□□□□□□

霜信 金首缺

周真入集

詠物詩終

詠物詩

十九

精辭精錄

山節綏何也

何須更食貨營洞便駕扶搖上九霄

荷風

暉南來一降涼扁舟來到水雲鄉
散作兩湖水面各清露
珠露滿翠紅衣豈動好風香

金首缺

金首缺是誰家窈窕娘

勝翻語更難脫淋漓
錦囊香奩做交坐
燕

丁酉春日

周真人集

餘杭盛慶蕃署簡

錢塘丁氏刊

丁酉春日

周真人集序

予采明詩闕羽士心以爲歎忽姚山人攜弘道集視予
遂收刻之弘道乃真人周思得諡字養真號素菴浙之
錢塘人成祖時扈從北征恩寵甚厚真人歷事五朝秩
躋二品生徒旣繁子姓不乏壽逾九十諭葬墳丘亦古
今所稀見者嘉靖乙丑錫山是堂俞憲識

周真人集序

一

今則辭原旨意誠心假德由是道合德歸

禮二品半封勳爵千枝不云壽齡八十餘終竟三衣古

於聖人與師胡風窮非益恩寵其親真人想事立傳赫

發其德之原並氏真人周思得諡字養真號素菴浙之

予采明詩闕羽士心以爲歎忽姚山人攜弘道集視予

周真人集序

乾隆杭州府志傳

周思得字養真別字素庵錢塘人行靈官法先知禍福
太宗北征召扈從數試不爽鞭虎先驅敵賊潰炎途尸
穢禱雪覆之六軍大悅乃命祀靈官神於宮城西靈官
籐像上護之於東海朝夕崇祀所征必載以行及金河
川昇不可動問之對曰上帝畫界止此已而果有榆川
之役思得歷事五朝還山尸解年九十三謚弘道真人
勅葬八盤嶺著有宏道集

周真人集傳

陳襄八盤嶺善音宏道集

之妙思得歷事五朝還山尸解年九十三謚弘道真人
川昇不可動問之對曰上帝畫界止此已而果有榆川
籐像上護之於東海朝夕崇祀所征必載以行及金河
大宋非登昏風從雙塔不爽鞭虎先驅敵賊潰炎途尸
周思得字養真別字素庵錢塘人行靈官法先知禍福
有宏道集

周眞人集

錢塘 周思得 著

默齋詩

化機無停運四序迭推遷萬彙遂生育彼蒼乃默然嗟
君稟至性穎悟探幽玄遺榮猶脫屣九還得眞傳一室
人罕至階有綠苔緣虛庭松子落簾隙蛛絲懸幽蘭媚
深谷明珠潛九淵更當究玄微拂袖凌紫煙

山中二首

盡日不出戶白雲常擁門高低林樹暗坐臥鳥聲繁童
子窺丹井厨人斲筍園宵分人睡寂秉笏更朝元

靜憐卷石古清愛片雲閒松閒經一卷峯頭庵半間從

周眞人集

師住上界采藥入深山卽此丹丘是無勞問大還

壽度師月庵丘宗師

皇明開泰運維嶽降仁賢道合無名始神超太古先一
元資化育二氣入陶甄德盛心尤下功高禮益虔崆峒
堪並駕彭老可齊年獻歲回青律明星燦紫躔洪恩來
赫奕瑞氣藹蔥芊紫詰鸞回軸朱陵駕鶴駟靈椿須八
百桃實定三千久荷鍾傳呂虛慚孔授淵悠哉心耿耿
邈矣道玄聊爲陳歌頌傾忱向綺筵

京華八景

帝里山河壯金臺王氣濃天關高踞虎地軸厚蟠龍玉
帛梯航集車書海宇同麒麟四郊內鳳鳥五雲中太液

波光漾居庸翠色重林垌橫抹練石竇下垂虹曉騎盧
溝月秋鴻紫塞風春雲覆華島霽雪滿瑤峯圖繪丹青
好分題製作工微臣叨盛會歌頌祝無窮

古詩漫興二首

春草當階綠茶煙竹外青洞門深閉後注就蕊珠經

白雲松頂落寒泉石上流殘棋未終局月掛西巖秋

爲劉指揮題畫馬

風鬣長絲長金鞍覆帕黃眞宜賜虎將去縛左賢王

壽長春劉眞人

南極夜垂芒祥光燭千丈玉洞仙人駕赤虬鸞旌羽節
來天上坐中崆峒叟長眉雙瞳綠足底時時生白雲花

周眞人集

二

前日日騎玄鹿自言一笑別瀛洲又是人間幾百秋長
春仙老擘麟脯天魔小隊傳謠喉醉來鶴背天風杳環
珮珊珊上蓬島願言千歲永不違海上相期採瑤草

靈椿行壽吳近侍

靈椿矯矯蟠空起密葉柔枝翠如洗孤根拔地走虬龍
老榦槎牙帶煙雨千尋倚壑凝長春凡卉不敢同芳塵
乾坤閱盡太古色白石青泉作舊鄰奇材近已圍百尺
古栢長松僅能匹森森枝上團白雲挺挺雲間扶赤日
星輝南極瞻瑤天翠輦引鶴來羣仙爲君更賦靈椿篇
載期眉壽八千年

松

蒼松輪囷十千尺託迹徂徠人未識根下當疑虎豹蹲
天邊恐是蛟龍立人言五粒蒼龍精一粒入口能長生
山靈著意久呵護雷霆激烈何曾驚凜然直氣凌霜雪
不愧人間古豪傑他日巖廊倘見求丘山之重回萬牛

中秋賞月

東溟月出照八荒桂花零露生秋香洞庭仙人吹鐵笛
招我共飲流霞觴座中籛鏗年最老狂來只覺乾坤小
又喚飛瓊度玉笙雲中彷彿來青鳥醉玩青蛇碧蘚秋
玉冠風冷髮颺颺思騎赤鳳凌雲表直上青冥汗漫遊
僧無已還錢唐

周真入集

三

萬點曇花雜飛雨老衲原無染俗塵伽陀時有驚人句
他年欲問鏡臺心何方更覓菩提樹

虎

西塞山前日將暮翦尾咆哮正當路腥風一陣心膽怖
眼中豈有狐與兔雙瞳照人驚電飛磨牙吮齒生寒威
當年褒鄂氣如爾爾獨啖人何所爲

訪灌頂大國師智光

上方幽境遠塵寰樓殿玲瓏碧漢間習靜已能拋世慮
承恩常得近天顏經翻貝葉焚香坐袖拂春雲杖錫還
愧我平生耽白業頻來松下叩禪關

丹房和道錄正一吳天節韻

一間新築小蓬萊清絕難容半點埃松遶四簷容鶴到
苔封三逕少人來丹砂久向爐中伏青鳥多從海上回
幾度月明瓊島夜步虛彷彿在天台

送僧錄講經崇遠

一錫飛空出帝京煙霞蹤跡水雲情袈裟靜疊曇華影
靈籟清傳貝葉聲翠竹巖前看有相磐陀石上話無生
房前舊植松枝老弟子應看偃蓋青

寄長春劉真人

着罷仙壇石上基別來又是早秋時白雲來往元無定
野鶴遨遊豈有期古洞月明思下榻玄都桃熟想題詩
驟鸞何日瞻旌節共坐花陰一解頤

周真人集

四

奉旨建齋有感

瑤壇虛敞淨無埃對越丹誠凜不回內籍姓名登紫府
上班冠冕列丹臺燈明午夜神光合斗轉中天御座開
咒取法筵甘露水遍分香潤及枯骸

訓蕭祭酒以畫留別

旌旆翩翩酒半醺畫圖留別惜離分遠山亦似供愁色
高樹還疑駐暮雲事業已迫蕭相國詩名不讓鮑參軍
聯鑣相送江邊路檣燕呢喃不忍聞

丹房味道

七返玄功志未灰兩丸何事苦相催已攢五氣歸元海
謾養三華結聖胎木食草衣聊自足華門圭竇許誰開

平生欲覓安期叟何日崆峒一笑陪
道錄吳正一歸豫章祭掃

袖拂煙霞返故丘暫行何必動離愁
飛鳧舊識三山路
畫鷁新浮一葉舟
已有霞光凝海島
更將天寵賁松楸
遙知一酌重泉後
鶴背風高又十洲

學苑題醫士杜芹行樂卷

一葉舟中一散人
東西南北任閒身
無心已列宋清傳
有術堪爲董奉鄰
萍水十年天下志
鷗波萬里夢中春
明年此日知何處
不是吳江卽楚濱

初晴

天街十二正春陽
小草離離雨後香
吹徹瑤笙人更寂

周真人集

五

桃花洞裏日初長

夜坐

碧天如水露華多
白月紛紛映薜蘿
一曲游仙兩童子
步虛壇上舞婆娑

一葉題春秋畫景二首

千巖萬壑綠參差
楊柳風清一掬絲
別有煙霞藏世界
草玄亭子築茅茨
溪山溪樹綠層層
蘿徑雲深少客登
湖上扁舟能借我
載將詩思去尋僧

偶興

石牀睡起誦南華
古鼎煙霏竹外斜
自識坎離交姤後

始知人世卽仙家
西風題鍾離祖師

袖裏春風日月長
鐵衣換著布衣裳
分明跳出乾坤外
不爲人間甲子忙

夢遊仙詞九首
路入丹丘訪赤松
紫雲堆裏曳孤筇
一聲白鶴三珠樹
身在蓬萊第幾峯
石磴盤雲曲曲迴
洞門高下碧桃開
琪花瑤草連溪澗
不見仙人跨鶴來
雲樹蒼茫月正明
座中還遇董雙成
玉簫吹罷桃花落
猶記霓裳譜上聲

周真人集

六

白雲長日掩松關
麋鹿成羣自往還
獨有白鴉棲玉樹
碧桃洞口綠陰閒
玉扉雙啓爛金鋪
樓閣玲瓏湛玉壺
一曲霓裳看未了
又隨白鶴下玄都
山中瑤草應無種
洞口桃花別有春
一局殘碁天地老
武林溪上不逢人
翩翩鶴翼拂重雲
仙樂嘈嘈世未聞
一虎跨來何處去
欲從月下訪茅君
仙人醉臥碧巖秋
白月倒掛巖西頭
猛虎一聲驚不醒
西風吹夢落瀛洲

洞中仙子下瓊樓
紫霧衣裳白羽裘
閒罷青囊錄中祕

相看一笑海天秋

周眞人集終

周眞人集

七

相看一笑海天秋

周真人集補遺

上清靈寶濟度大成金書序

玉蘊於石而終見者有待於識也道昧於世而益顯者有待於人也蓋道雖妙而非人不能以自顯玉雖精而非識者不能以自售老子五千之言必資尹喜而後流傳於世孔子一貫之旨必藉曾參而後推明于人此人所以爲行道之器也吾少從學於月菴邱先生一日窺其披閱水南林真人所集田甯三真人靈寶法書喟然嘆曰是書有益於吾教豈淺淺哉柰何不得有爲者而責付之子進而言曰是道說者謂靈者性也寶者命也苟知乎此則理與心融道與氣合不假作爲而大業自

周真人集補遺

一

立矣今之職是者但著威儀於科範而不本乎誠縱矩步於罡斗而不求乎理習音聲於潮梵而不探其奧闢造化於荒唐視鬼神於無有其性命之微開度之仁邈然無介於中是則與古人立教垂訓之意果有所取歟先生欣然嘉其言遂開示遠大蹊徑朝夕誨訓未嘗少倦復勉以始終此心傳于不朽未幾先生羽化予亦多故於是未能無憾焉余沈潛反覆於其間迨今二十餘年朝夕拳拳不敢自逸深愧躬行不力老大無成不能仰副當日期待之意將無以見先師於洞府遂訪求於演法吳公大節提點楊公震宗復得真集間嘗竊附已意補其散失訂其訛謬參以簡錄佐以符章通爲四十

卷名之曰上清靈寶濟度大成金書壽之于梓質諸同
志俾前脩嘉惠後學之意不晦昧而暴白且又視予之
慵惰逡巡而負託於人久矣若夫呼吸元氣斡運化機
以造乎眞乘之極者諸先正皆引而不發意在言表蓋
欲學者深思而自得之今亦不敢妄爲之說以取譏於
有道者但當從事於爲無爲事無事味無味迨乎天君
泰然百體從令則彌羅大梵之階舉可坐而登矣又何
患不到田甯二公之地乎傳曰舜何人也予何人也有
爲者亦若是在同志其勉焉宣德七年歲在壬子春正
月望日誥授履和養素崇教高士周養眞齋沐謹序

重刊清靜經註解序

夫清靜經者實金丹之要領也昔我太上哀憫衆生流浪生死沈滯愛河不能洞達玄機以證真帝之道大開方便廣演眞詮強名而名巍乎浩乎功德不可思議厥後海瓊白眞入分章正誤終南山王元暉增註而復作圖引義無心段眞入頌以贊之潼川虎眼禪師訓以釋之故太主之經粲然昭著於天下後之學者因文解義獲證金丹之妙道也吾徒王道安氏重繡諸梓以廣其傳今將訖王請序其端予唯道無今古而時有後先心有彼此而性無差等靈臺清靜而慾牽之學者苟能埽除舊染之汚頓悟眞常之道則宇宙在乎手造化生乎

周眞人集補遺

三

身常應常靜常清靜矣又何古何今何先後彼此差等之有哉夫升高者必自卑陟遐者必自邇道本無言欲造夫道者舍此復何求哉則是經流傳於四方者庶幾有補於將來云正統十一年歲在丙寅五月旣望誥授履和養素崇教弘道高士掌道教事兼朝天宮大德觀住持錢唐周思得焚香拜書之靈川東巖顯福庵以觀

發密慶白眞人合章五經終南山王元暉增註而復作

古眞人眞人合章五經終南山王元暉增註而復作

夫前精錄答實金丹之要領也昔我太上哀憫衆生

余十歲前居麒麟街近寶極觀嘗從竹舟先兄游焉觀
舊名元元菴菴自元延祐間明永樂中實周真人發跡
之所也真人介直清修精五雷法受知於成祖與僧道
衍殊教而同榮仁宗爲建玉虛延恩殿宣宗改廟爲大
德觀封履和養素崇教宏道高士管道錄司事爲朝天
宮大德觀住持景泰庚午歸老故庵甘茹淡泊時有異
人號赤腳張者來與談元道契彌深年九十三羽化訃
聞賜諭祭追號闡法通靈真人出其門以顯者不下百
餘人而呂道亨尤受憲宗恩遇不敢昧其所自請大其
菴詔曰寶極觀仍徙元元庵於真人墓右成化壬寅翰
林學士安成彭華爲觀記真人別修上清靈寶濟度大

周真人集後跋

一

成金書四十卷衍道德之宗傳爲元門之寶錄迄今印
本幸有存者獨其詩文集不可得見今從俞氏明百家
詩錄出一卷并附金書序文壽諸梨棗回憶兒時嬉游
觀中忽忽六十年老大無成再罹魔劫安得乞真人五
雷法而一清泰宇哉光緒丁酉春日松夢道人丁丙

宮大德觀封履和養素崇教宏道高士管道錄司事爲朝天
宮大德觀住持景泰庚午歸老故庵甘茹淡泊時有異
人號赤腳張者來與談元道契彌深年九十三羽化訃
聞賜諭祭追號闡法通靈真人出其門以顯者不下百
餘人而呂道亨尤受憲宗恩遇不敢昧其所自請大其
菴詔曰寶極觀仍徙元元庵於真人墓右成化壬寅翰
林學士安成彭華爲觀記真人別修上清靈寶濟度大

範

金

龜

八

悉

續

編

一

悉

王同署



光緒甲午冬
月刊於四明

成化杭州府志列傳

高得暘字孟升錢塘人號節庵性警敏日記數千言以文學薦授臨安縣儒學教諭陞高州府儒學教授擢爲宗人府經歷纂脩永樂大典爲副總裁官進講春宮善屬文尤長於詩卒金臺寓舍所著有節庵集

萬歷錢塘縣志列傳

高得暘字孟升號節庵錢塘人處士一元之子洪武間以文學薦授臨安縣學教諭陞高州府學教授永樂初召爲宗人府經歷纂脩大典爲副總裁官進講春宮博學洽聞詩文純雅名重一時

節庵集志傳

序

錢唐高先生孟昇號節庵爲童子時卽通經習爲文章
旣長學博而識遠才大而器宏洪武間年踰冠有司以
文學薦之于朝遂登仕版三爲校官皆有能績今天子
統御之初求賢良以佐治於是擢爲宗人府經歷宗人
府貴要居諸府司之右經歷雖幕職在朝文武官屬雅
相敬重永樂四年詔選四方名儒會于文淵閣纂脩永
樂大典先生入爲副總裁編摩有方同館之士咨訪惟
多公退于家求詩文者踵相接又皆訓應如響略無難
色故人無不景慕之素嗜吟咏或登山臨水悼古感今
或花時月夕賓友燕賞或贈別懷舊題咏圖刻莫不有

節庵集序

一

作作必合於古今體製一不苟成也先生之第二子廉
手持其節庵集者過余請序爲之展卷諷咏其純雅者
如韶護之迭奏其穠儷者如綺組之錯陳至於宏放逸
發如江漢之奔流曲折千里而不可遏也可謂一代之
奇作也歎余時奉命監修大典與之處久而交厚序可
得而辭乎於是與廉書其梗槩於卷首云吳郡姚廣孝

餘聯之西來讀夏以古詩文是賦爲宗人似感思其人

文學識之于時後登仕如二爲外官其書指辭今文行

附其學而歸數本大面器送裝瓦間筆韻詩書信印

發問高宗也孟昇感贈遺書童子相贈而聲言爲文

節菴集目錄

卷第一

雜著

卷第二

五言古詩

卷第三

七言古詩

卷第四

五言律詩

卷第五

七言律詩

卷第六

七言律詩

卷第七

七言律詩

卷第八

五言六句四句

卷第九

六言四句

卷第十

七言四句

卷第十一

節菴集目錄

節菴集卷第一

錢塘高八得陽孟升

雜著

河清頌 有序

永樂二年冬十二月平陽府河津縣黃河水清
汭流而西千有餘里稽諸傳記河清爲至聖之
君之大瑞而平陽河津實堯舜所都河清於此
此天地之心特以顯明當今聖君有堯舜之盛
德也夫美盛德之形容必於歌頌見之臣雖蕪
陋奚敢默默拜手稽首而獻頌曰

巍巍天朝重華承堯盛德孔昭內難旣平萬國來庭天
節菴集卷一

清地甯河爲瀆宗黃流蕩衝澄清罕逢天眷聖人肇啟
昌辰馮夷效神臨汾暨蒲堯舜之都清而不污千百里
閒走沙淤灘隆冬盛寒乃於是時不凍不澌自古無之
雲斂霞舒倒影涵虛天與水俱澄澈淨明豈徒濯纓可
以鑑形居民話言使臣周爰詢其本源發於崑崙經於
龍門至於河津津流沄沄晝夜駿奔匪撓而渾聖矣我
皇比隆虞唐天發其祥黃河水清清應龍興以開太平
臣沐恩波作頌以歌耿耿不磨

平安南頌 有序

皇帝登大寶位爲天下主內安中夏外撫四夷
日月所照之處莫不來庭於其來也一以誠意

待之盡懷柔之道而不鄙其所爲厚燕賜之禮
而不較其所貢一視同仁之心唐虞三代之治
不是過也比者安南孽臣黎季犛祇受王封罔
知感戴淫刑虐政以暴其民狂謀妄計以肆其
詐遏我命使侵我邊陲至於謬立二都僭稱兩
宮建國紀年靡不爲之皇帝垂憐海隅蒼生罹
其荼毒命將出師聲罪行討遂乃蹴生蠻於境
上破賊巢於江外闔門旣勦餘黨悉平人蒙再
造之恩地復郡縣之制俘獻旣至臣鄰慶快伏
惟皇帝陛下至仁如天大智如神剛斷出於中
成算授於外除暴救民在於一舉太平振武之

節菴集卷一

二

功前古所未有也臣稽之交趾本南越之地漢
武帝分九郡交趾其一也然而武帝兵窮武蹟
僅乃克之其後屢臣屢叛以至黎桓擅權猾夏
雖以宋太宗英毅之君莫之能平天啟清朝大
將徂征提兵萬里奏凱三月鋤其強梗保其善
良金鼓一動談笑成功一何易也一何速也猗
歎盛哉臣嘗誦成周江漢常武之詩歌唐平淮
夷之雅每興歎羨今茲克清大憝平定一方較
其功績百倍過之是以懼忻踴躍忘其愚陋述
事爲頌謹拜手稽首上進詞曰

聖皇統御如日在中萬國四方照臨所同同一光明並

受其福宵令一隅獨爲寒谷叢爾南交蠢茲孽臣王章
在躬曾不知恩乃蓄狼心乃奮螳臂乃肆冥頑乃逞獷
戾職貢不脩筐篚不將狡衆烏集敢爲跳梁昔害其主
以據其位復戕其後以絕其祀狐謀鼠計不知其非坎
井蛙涇欲以爲基二都謬稱兩宮亦擅紀年僭更國號
僞建侵我邊陲境入思明遏我奉使道梗占城驅其善
良納於塗炭炮烙髡鉗靡有忌憚毒痛於民憤發於神
怨熏於天腥穢四聞司馬上言九伐有典除暴救民那
計荒遠桓桓上公受鉞於庭龍節虎符瓊弁珠纓百萬
貔貅雲屯霧擁衆一其心人百其勇斫山開筲渡水斬
關拔柵立堡聚糧如山乃復昇舟遠彼洮岸剗穴焚巢

節菴集卷一

三

入無阻閒多邦之隘富良之江履其險峻有如康莊西
樹飛樓通其窟宅北列櫟幢扼其灘磧雖有鉅象千百
爲羣倒戈相攻蹂躪衝奔援絕技窮室家莫保惴惴何
之偷生海島遙躡其蹤神哉我兵自天而下相顧失驚
城頽社傾江遠轍涸羣醜闔門纍纍就縛旌旗如雲鏡
鼓如雷萬里獻俘生致渠魁一酋旣殲百蠻破膽攸徂
之民仰戴知感昔漢爲郡其地幾何今所建置十倍其
多舜誅四凶在彼可怒法令旣申已復何與皇仁一視
咸與維新祛寒銷陰六合同春大明當天光昭率土臣
作歌詩無愧常武

永樂四年丙戌之歲十一月庚申詔建金籙大齋於朝天宮分閱琅函於神樂觀洞神宮恩酬罔極福被幽冥預會道士凡五千人元範肇修瑤壇肅啟翼日辛酉青鸞白鶴自神樂觀翔舞而來壬戌大駕躬臨祥煙佳氣聚爲寶蓋覆塵輦輅癸亥神人降神樂觀傳呼者三甲子慶雲見乙丑甘露降丙寅車駕載臨慶雲紫氣復見鸞鶴至者數百戊辰值太祖高皇帝景命之辰醴泉出神樂觀甘露降孝陵己巳雙鶴迴旋於醴泉之上十五日辛未百官上表稱賀其夕皓雪大降適當臘前尤爲嘉瑞伏惟皇朝以孝治天下是以天不愛其道地不愛其寶諸福之物希有之祥同出於一時咸見於京師前代所罕聞也聖人之德何以加於孝乎信矣臣幸獲親覩慶抃曷勝恭卽瑞應之大者爲歌詩八章謹拜手稽首上進

天降甘露

神漿降兮靈液垂玉蕊蕊兮珠纒纒疑如脂兮美如飴
風不銷兮日不晞貯寶甕兮載瓊卮和玉屑兮進瑤墀
表至德兮應昌期

地出醴泉

白鶴下兮青童過瞰碧螯兮通銀河湧黃流兮漾金波

挹甘香兮蠲沈痾春滿懷兮顏微醺至醇兮釀泰和
枯槁榮兮膏澤多

青鸞羣集

鳳之族兮神之精備五色兮揚微青冠雞紫兮尾魚赭
發丹邱兮越赤城整綵翮兮上帝京聆仙璫兮下太清
引絳節兮導霓旌

白鶴重臨

飲瑤池兮啄芝田秉剛風兮馭祥煙駕玉眞兮載瓊仙
始一會兮歆靈筵載雙飛兮盼神泉白而蒼兮蒼而元
永延長兮壽萬千

神人效祝

節菴集卷一

五

啟永思兮伸至懷秉恭默兮致心齋存三景兮注九垓
緣章進兮天關開帝心簡兮曰俞哉傳山呼兮下瑤臺
有神人兮向天來

寶蓋隨車

五綵霞兮三素雲團歲蕤兮結氤氳倚翠華兮擁丹輪
金支燦兮龍鳳文玉羽展兮鸞鶴羣覆象輅兮入金門
相追隨兮奉至尊

慶雲捧日

爛漫漫兮鬱蔥蔥紛郁郁兮藹重重捧日表兮天之中
乘一氣兮從飛龍煥五彩兮被琳宮惟大孝兮與舜同
承華景兮歌百工

瑞雪迎臘

奏金錄兮回鸞鑣散六花兮徧九霄芳菲兮臘前飄
輯美瑞兮英瓊瑤璿璣幹兮玉燭調時升平兮歲豐饒
明堂開兮萬國朝

騶虞賦

有序

永樂二年九月九日周王殿下貢進國內所獲
騶虞詣闕上表于官稱賀萬姓聚觀誠前代所
希有實國家禎祥也臣欣覩盛事謹拜手稽首
述而爲賦其詞曰

大明麗天聖人在位育物以仁制事以義四夷慕德而
咸賓百靈助神而效瑞嘉禾同穎旣屢兆於歲豐野繭

節菴集卷一

六

成絲又廣資於民利正重華熙洽之辰大一統文明之
治爰有鉅獸貢於清都首如狻猊身如於菟馴服有大
象之性品流寶麒麟之徒其質孔白玉雪爲膚其章則
元金薤紛敷有掉者尾長踰於軀造化鎡其神秀山川
聚其扶輿光華爛若文采燧如茲非經史傳記或美其
仁或嘉其義而其名謂之騶虞者乎斯獸之良爲世之
祥其出以時其應非常不於僻壤不在殊疆嵩高峙乎
天中地靈發於鈞陽雄藩開賢王之域福庭閔神后之
鄉睠風氣之淳固宜託迹而徜徉茂樾護深居之邃爽
籟助清嘯之長林鬱縈紆巖穴清虛樵蘇紛然遊息自
如往而于于來而徐徐行不據塗止不負嵎白鹿爲之

後從赤豹爲之前驅不食生物不踐生芻鷺搏之才夫
豈不足純厚之德眞若有餘雨露之膏澤下被天地之
至信中孚靈臺預占於象緯瑞光已動於衡樞見而際
亨嘉之會來而叶太平之符承東顧於鶴駕效南徙之
鵬圖視千里於一瞬望九關而遙趨爾其道汝穎經濠
梁度天塹遠康莊長河護龍而利涉晨門儀鳳而高張
奏前陳於丹陛詔許見於明堂穀且巧值菊節惟良漏
聲嚴催乎曉箭爐煙初裊乎天香旌旗動龍蛇之影環
珮肅鴛鷺之行啟金函而上進宣賀語之琅琅知天顏
之有喜重華夢之聯芳大廷之內仙仗之傍雕闌繚繞
寶柙熒煌初旭射而增耀彩霞映而彌章聞笙鏞之閒

節菴集卷一

七

作若拜俯之低昂文犀慙其寢陋猛虎見而傍徨惟環
觀之臣庶爭先覩如鳳凰相與興歎羨起揄揚稱治化
贊時康泳恩波之浩浩藹歌頌之洋洋同聲效乎三祝
盛事傳之萬方冀庶類之咸若同化育而蕃昌鹿麕偕
其濯濯率舞共其跄跄乘風雲之慶會依日月之容光
樂終身於靈囿永奉承於聖皇賦已復爲之歌曰仁義
之獸古所稱兮圖存其象書載名兮閒雖一見在郊坰
兮未聞馴致登天庭兮帝王一心爲羣生兮况又厚澤
洞幽冥兮諸福畢集備休徵兮騶虞出世現眞形兮黑
白成文秀氣凝兮元黃合德嘉祥呈兮九州四海播頌
聲兮萬歲千秋仰皇明兮

紫芝山房賦

有序

建甯城南有紫芝山禮部尚書鄭公彥嘉構書

房其中因以爲扁以文見徵爲之賦曰

攬勝槩於武夷兮泝仙源於建溪
瞰水西之玉洞兮瞻維南之金猊
一山屹立以獻奇兮掩羣岫而截
巖靈草產乎其陽兮燦金光之燧
燧吐三秀而擢九莖兮初何種而
何根合鸞青與鳳丹兮疑紫煙而
如雲伊泰園之委和兮尤方祇之
實惜滋之以膏露之華兮潤之以
乳泉之液一茹而飢可療兮再服
而年可延豈無自而偶生兮誠有
開之必先名茲山以紫芝兮志發
祥於往代也人之傑而地之靈兮
諒於時而有待也繫武公之苗

節菴集卷一

八

喬兮蚤探奇於其閒匪效耕於谷
口兮匪追隱於商顏構書房以藏
修兮卽山名以題扁隔市聲於蘿
垣兮距城闈其不遠朝思樂乎芹
泮兮夕歸理乎芸編對生色之畫
屏兮納蕭爽於賓筵折青松以爲
塵兮紉芳蘭以爲佩資麗澤於同
心兮來蔥裾之織翠英聲蜚而翕
翕兮跡徒闔而彌章預賓興而計
偕兮展鯤翼而翱翔策臨軒而獨
對兮攄素蘊而上進龍頭屬夫老
成兮快靑雲之發軔攬金轡於驄
駒兮綴余冠以神羊揚清波而激
濁流兮振廉察之宏綱轉隆寄於
方面兮參雄藩之大議宣德化於
江沱兮播仁風於幽薊由中敷而
外歷兮擴氣宇之日充期上下之不
負兮幸昌辰之繼逢六

龍飛而御天兮肇一新乎宇宙曰建官而必賢兮矧求人而惟舊大司寇之重任兮出廷授之至公副一人之欽恤兮制百姓於刑之中善日遷而恥格兮延淑問於無己夫旣彌予之五教兮其尚典朕之三禮郊斯格而廟享兮相懋輯之蕃釐會萬國之職貢兮肅鷓鷯之羽儀持衡鑑於大比兮謫吉士其濟濟文昌明而泰階平兮覩天顏之有喜入荷囊以敬慎兮出退食而委蛇寓遐想於桑梓兮睇遙岑而長哦揭舊扁於新第兮恆心存而目注移邱壑於丹青兮儼鈞遊之佳處衣錦行乎白晝兮豈徒名於里閭閔喬木之蔚如兮將有俟乎懸車衍世澤於推轂兮振家聲於聽履方重見於五色之

節菴集卷一

九

雲兮終焉躋於九老之齒仍紫誥之兼縮兮符紫芝之嘉徵記山房於家乘兮留故事於圖經帝衷眷其簡在兮風裁褒然乎朝著保令德而無斁兮尙以永於終譽

南薰賦

繫大塊之噫氣孰與名之曰風按八方而定位順四序以成功春嘯和而獻歲朔號寒而爲冬秋應商而肅令斂華實之光容惟九夏之薦薰獨有情於化工爾其南訛司時祝融效職陽鳥出水而上翔燭龍銜火而下擲大地一爐炎雲四赫暑方斯隆暘其有極而斯風也肇自巽戶盛於離方與與依依溶溶洋洋不疾不徐或抑或揚排綠樹而絕野度青松而踰岡溼雲舞庭槐之翠

晴浪翻隴麥之黃清入湘簾倚蘭遞幽閒之操香飄羅
袂采蓮曳窈窕之章起快哉之歎者方披襟而臨楚榭
得悠然之樂者且坦腹而臥陶窗汗斂體而卻扇思到
骨而甯牀惟人物之所被實長養之所望若乃蕩滌塵
歎祛除煩鬱鼓天地之橐籥達虞廷之密勿答昌言之
都俞和嘉謨之吁咈撫軫玉與徽金叶五絃之六律寓
仁心於永言審時政之治忽故能敷布羣品潔齊萬物
小大咸藉其吹噓卑高共資其披拂被九歌以長存歷
萬世而不沒此其功之尤著非庸言之可述乃若繼聖
立極因時行權矧一氣之合德與重華而齊肩嚮明而
治人文朗宣道有契於今古理無閒於後先絃歌娛乎
暇日清芬播乎長年尙聿修於此道故其興也蓋亦勃
焉歌曰彼美薰風來自南兮入高堂之琴兮解民之愠
阜民財兮慰臨軒之懷兮穆如清芬恩浩蕩兮旁通而
曲暢兮願均此施萬民仰兮帝舜之在上兮

志雅堂賦

有序

潛龍虎林城中有雅飭之士曰姜潤華氏與其弟潤
英日誦正葩之篇有所興起扁所居之堂曰志
雅而雅昭其心之所之者是在是以文爲請余曰賦可

也作志雅堂賦

夫何闐闐之紛拏兮中儒服而棲遲心有在而靡他兮
舍古道其何之今去古若甚遠兮理在人而甚邇匪厭

俗而好奇兮唯性情之正而已齊武成之錫土兮古稷
下之諸姜木百本而葉斯蕃兮水有源而流長里仁厚
而家雍睦兮矧獨有此姤節由誦詩之三百兮於中心
而有得伯氏之吹塤兮仲吹篪而嗣音萃難於一門
兮志二雅於一心審成周之音樂兮繼韶舞乎有虞闢
雖麟趾之迭倡兮賡歌乃其權輿溫柔敦厚之爲教兮
風至雅爲尤正朝同氣以相求兮爰同聲而相應言始
承於鹿鳴兮次申以華鄂之章知急難之當親兮卽示
我之周行爰由此而引伸兮一君子之愷悌興飛躍於
鳶魚兮昭此理之極致或燕饗而歡欣兮又和悅而盡
下情或受釐而陳戒兮肅儀矩於彤庭考紀敘之小大

節菴集卷一

十一

兮關王政之事體成孝敬而厚人倫兮風俗移而教化
美彼巷歌與里曲兮非折楊其黃華入邑而喜其蕩兮
入國而悅其哇豈予心之所取兮甚異端之斯害回大
音於希聲兮覩舜文於昭代擴周道其如砥兮何鄭聲
之敢淫一咏而復三歎兮意彌長而味深此賢者之所
尚兮共一志而莫奪內友于之恭順兮外英華之煥發
堂渠渠而樸素兮春怡怡其載和感牘應之相春兮起
投壺之長歌花木秀暎乎軒窗兮文石芳聯乎莖蕙意
疑遠而地自偏兮移山林於城市揭斯扁於楣宇兮匪
自矜而實自箴尙有望於述作兮追古昔於當今

太醫院院判蔣用文氏家儀真之龍潭而京城
全節坊則其廡宇之所在用文嘗以靜學名齋
文章鉅公著作盈卷未有爲之賦者因來徵言
遂作斯賦

當九衢之洞達兮宜人物之穢稠居連疊而接棟兮行
結駟而並輶紛總總其徵逐兮芳菲菲其邀留出紛華
而入道義兮心恆戰而靡休中兩縈而一決兮時將見
夫斯人之儔尉秣陵之華允兮獨知止而好修企心齋
於千古兮樂所得之優游吾嘗歎其高扁兮聊乘暇以
夷猶門軒宏以延爽兮逕窈窕以通幽飛花散乎晴簾
兮嘉樹蔭乎清溝來惠臨之文旆兮納徑造之華騶喜

節菴集卷一

十二

襟懷之瀟灑兮悅親話之綢繆其學之定向兮唯靜
之是求談塵疊而中理兮頻繭絲之長抽審先幾之生
乎動兮僅一善而三尤吾初其不遠兮知既放而當
收始寂然而無聞兮六鑿之雕鏤中泊然而無營兮
廓心境其悠悠終滴然而有感兮通萬變而應酬苟於
是而能安兮庶入乎聖域之優夫豈冥塗而肆步兮迷
其津而妄洄將徒思而無益兮奚明愚而強柔顧夙儲
之編簡兮直充棟而汗牛先六經以爲本兮後百氏而
旁搜人文肇自義軒兮天理闡於魯鄒得於心而不失
兮施於用而克周朝褰帷而玩味兮夕繼晷而焚油遇
傳記之忠孝兮必再四而繹紉感萱闈之前邁兮思駐

景其何繇起居謹夫齒几兮養知備夫膳羞唯多病之
所須兮舍藥物其焉謀慨茲事非細故兮忍委之於庸
流啟九靈與太素兮別脉絡之交鉤回生意於沈頓兮
匪瞑眩其曷瘳處恬淡而閑邪止移精而祝由推格致
之妙用兮又何事弓治而先箕裘全人生其有術兮畢
新年其無憂導餘波於上池兮流芳譽於中州雖九死
其玷危兮藉一己之見投典從容之美任兮日趨近乎
瓊樓方功名之鼎盛兮足青雲之宦遊名門俯乎龍潭
兮舊業依乎鷺洲承先志之謹嚴兮授家學之春秋注
心目於華扁兮豈專慕於武侯仁者靜而好學兮微顏
氏其依疇矧良醫之有濟兮與相業其相侔躋斯民於

節菴集卷一

十三

上壽兮尙益贊於皇猷

慈烏圖贊辭

武庫員外郎海昌俞倫善事親家有慈烏圖余

爲之贊

維烏有烏由鷓而雛本乎天性知有母軀每返哺以資
養縱旣長而弗渝母也充飫已甯飢虛載飛載鳴相依
相於雲霄之上雖乏華彩可以媲美乎鳳鸞之侶天壤之
閒乃有至行可以愧夫梟獍之徒或萃於冠或集於廬
示人以福至之兆表世以誠應之符詩人美而見詠畫
史愛而爲圖嗚呼烏乎誠白傅所謂烏中之曾參是矣
今吾於俞又將以爲人中之顏烏然乎

錢鼎 高得賜 孟升

五言古詩

雜詩八首

其廿其東甚孤獨聖陰金輪御中天萬物同顯臨出

其廿輝中流知功最深惟有花間英領注長一心

其廿其廿其東甚孤獨聖陰金輪御中天萬物同顯臨出

其廿輝中流知功最深惟有花間英領注長一心

其廿其廿其東甚孤獨聖陰金輪御中天萬物同顯臨出

其廿輝中流知功最深惟有花間英領注長一心

節菴集卷第一終

節菴集卷一

節菴集卷第二

錢塘 高得陽 孟升

五言古詩

雜詩八首

皎日出東表孤陽爍羣陰金輪御中天萬物同照臨出入光輝中孰知功最深唯有花間葵傾注長一心
猗蘭有清香沉爾春風噓正應一室間長與善人居綠葉汎崇光芳菲倚前除玉樹在其側輝暎復何如
江上芙蓉花紅素千娉婷晚色淨涼雨鮮颺度芳馨故人渺何許一水秋盈盈折之遠莫遺恨望獨含情
秋露白於玉夜滴青松枝元鶴乃有警長鳴當此時靈

節菴集卷二

一

物感陰氣豈惟寒迫之懷其壯士懷惕然亦如斯
我有綠綺琴幽懷託之寫見客不惜彈當有知音者
冷松風生浙浙竹雨灑毋云無新聲我志在風雅
仙人雖遺世游戲時往還乘風下鶴背翻身入壺間我
欲往候之非能叩元關刀圭宰相授持以駐親顏
錚錚代舍缺濟濟侯門裾彈將秋月土曳逐春風舒理
義苟自勝紛華焉得如秋清春正和且還讀吾書
川流既沄沄原泉復混混逝者靡有窮來者詎無本一
哉聖賢心開示何繾綣進德貴自強語道誠不遠

南園

南園閒曠地日涉頗成趣坡陀帶岡阜憑虛足延伫振

衣林影亂夕陽在高樹歸來有新詩情境適相遇

夜坐

攬衣起中宵舉帷月初上風林動素光石澗流清響平生學道心坐與歲年往援琴不成彈無因寄遐想

初春喜雨

潤物莫如雨況於發生時泉脈既活動土膏亦華滋茫茫宇宙間一旦甘澤施欣欣各有得蕩蕩本無私大哉皇家恩及民正如斯擬招擊壤翁來聽康衢兒

春日對酒

玉壺貯美酒置之春風前幸與良友共爲歡豈徒然一倡白雪辭再整朱絲絃蝴蝶東家來雙舞花爭妍急觴

節菴集卷二

二

雖快意徐引容款延豈曰惜芳景樂茲太平年

者山菴爲無爲張真人賦

羣巖緣清溪孤巒出重霄歸然丈人行仰止非一朝開雲結層廡爲此青岩巖諸峯似諸孫相拱如相朝幽探得奇勝燕坐息喧囂龍劍卓其傍百靈不敢驕延釐贊至治歌詠諧鈞韶時來金華牧或遇青城樵紫芝初無根黃精元有苗服食體可移頤養神自超畢道方廻車何在搏扶搖從茲至千歲長向此逍遙

送寧上人回吳興

上人雪川秀法筵推巨擘教乘浩如海涉歷欣有得雨軒雨華時言下見真的的意既解知虛名諒何益小隱

徒勞人西湖漫招客向來受業處安溪水精域平生香
火情詎忍付榛棘耳根松風聲已度舊泉石過我索送
行爲問果何適白雲在虛空去留本無迹

陪徐教授觀朱清翁宅牡丹分韻得寄字

清翁喜玩芳名卉無不藝牡丹赤城本涉海遠移致歲
月培深根春風育生意重臺冒千葉大朵壓孤蒂蜂黃
注額鮮猩紅入肌膩雕闌周遭圍牙籤後先記同心或
許看俗眼那得視廣文夙昔交花時欣一詣預約耆英
從亦不寒晚棄良辰屬微暄久雨適初霽杖履踏春泥
尊疊臨午砌勝賞愜所懷良會匪容易盃簪主賓歡移
席肴核異延留頓忘歸談笑不知醉行樂須及時人生

信如寄

節菴集卷二

三

題淵明漉酒圖

酒中有妙理飲者未盡知千古一陶翁嗜此能自怡秋
菊生幾叢芳菲繞東籬掇彼露中英汎我風前卮興來
自飲滿客至聊共持今晨新釀熟正好斟酌之葛巾淨
無垢倉卒亦可醜笑將代筯筐驚者集童兒一巾安足
惜我尙簪紱遺頭顱已如許爲歡能幾時悠然北窗臥
快哉南山歸生世徒物役不飲誠何爲游神太古初春
臺共熙熙天命信可樂於焉復奚疑

題錢舜舉紅白蓮花圖

服玉既有方煖霞豈無訣兩兩仙之人心同顏色別一

從謫丹邱雙飛下銀闕襪羅夜侵涼衣錦春蒸熱遺之
紫瓊霜報以胭脂雪穠華詎易保貞素諒難涅永結白
首期莫待紅芳歇波聲散鴛鴦吳儂正愁絕

孟夏齋館清會分韻

綠樹生晝涼風清雨初止齋居寂無營澄心澹如水高
閣誰共憑伐木歌未已小車花外來慰浣良可喜道術
固相忘妙論該物理爲樂世應多此意知者幾

風雲壇次王達善學士韻

雨暘旣時若年穀咸順成四海懽心同願爲聖人氓秩
宗典三禮祈報嚴遵行親臨來風乘壇墮生光榮夙興
視河漢泰階中夜平涼隨白露入暑逐金風清馨香敷

簡菴集卷二

四

至治豈獨感神明

題王子華羣卉圖

大化無停機品彙各生植春華爛陽蕩陰條綴秋實物
物具太極一一生意全至人悟物理坐閱歲序遷偉哉
愛蓮翁窗前不除草自家意思同可與知者道天天桃
李花顏色殊可嘉朝榮夕乃悴零落隨泥沙幽蘭及秋
菊寒梅與脩竹雖乏嫵媚姿清貞異尋俗是以君子心
雅好非等閒要令山水趣長在庭除間秋風無時生霜
雪被崖谷願言崇令德歲寒以相勸

和崔原摛書懷二首

雅志在山水端居尙幽僻廓然心境虛萬籟自虛寂雨

壁蝸涎枯風定燕泥溼鉤簾一憑軒雙梧眼中碧
一水不可越閉門清晝閒美人渺何許清風逸難攀野
鶴玉雪姿乃在泥滓間安得住相近論心日往還

題盛子昭小景

茅堂溪上立溪水三面繞波光入虛牖玉壺蕩空渺遠
與城府違而無塵俗擾秋聲減楓梧晚色集蘋蓼孤吟
不出戶思在雲樹表故人扁舟來厚意慰幽悄便當掃
蘿逕速爲致清醪近作得細論佳趣應不少

陪壽椿堂得燕字

良辰度書雲初雪被芳甸主家樂豐年華堂具珍饌維
此座上賓於世不多見道德副令名勳勞注深眷夔香

節菴集卷二

五

鵲尾爐濡筆鳳珠硯幽賞愜所懷歌詩紀清燕

遊清涼報恩寺

清涼古淨域乃在城西門前當紫陌首後枕蒼山根重
岡松檜合一逕喧寂分金書煥新額琬琰粲華文梵宇
壯神京寶帑開宗藩曰維象教力可報君親恩付囑語
在耳修敬道彌尊維時屬承平芳春布微暄幽尋動佳
興駿馬聯高軒朝回蓬萊宮訪此祇樹園談空理深契
結願香猶焚翠微開竹房雲蘿青可捫亭前桃李花翩
其隨風翻宛然芬陀利從天雨續紛樂哉今茲遊慰我
夙昔聞明朝向城市卻望山中雲

題高士謙萬竿煙雨圖爲方尙書賦二首

誰傳此君神穠纖稱長短隱然千萬竿清風座中滿醉
雲三昧手嗜此廢編纂平生足所滿歷計門可款酒闌
據林軒茶餘憩池館得意雲霞箋泚筆冰雪盈淋漓夜
雨寒杳靄朝煙暖詎忍付魚綸端宜裁鳳管

聯娟得地生清秀信天產律呂固可諧材器未易束白
雲幾葉孫青年登仕版吾鄉士如林穎脫見誠罕森森
玉筍班表表驚人眼豈惟人眼驚況在帝心簡雅德配
瑤琨貞姿壓樗散助哉歲寒期永言歌瑟儻

送童伯賢赴德安府教授

臨海有佳士氣質清且和少小富文學華年掇高科擢
爲千里師坐見九載過秋闈與春貢得士何其多重攜
教鐸去清音振江沱采采泮水芹菁菁中泚莪成效日
章著令聞益巍巍行當副徵用因風聽鳴珂

夢遊武夷

維南有奇山仙人所遊翫苟非登躋艱凡蹤日撩亂丹
梯緣青冥臺榭擁樓觀稍出林巒幽始信仙凡判遙天
倚圓蓋四顧無際畔油油白雲生乃在山之半自嗟筋
力弱敢覬胎骨換山花笑如迎山鳥欣相喚徒驚聞棹
歌未得褰亭幔欲覺詩已成誰能更塗竄

書袁庭玉族譜圖後爲尙寶丞忠徹賦

日湖碧澄渟雲鄮青巖業袁翁生其間雙清歸一攝才
美旣瑰奇經史更漁獵平生兩眸子巖電光燿燿偏閱

郡國人不作兒女囁恩承天九重寵被日三接老氣秋
崢嶸風韻春和協容臺謝事餘京居雅懷愜華簪映烏
紗白鬢照紅頰門前小園圃疎花戀幽蝶等閒不屢看
清興時一涉雪晴擁吟裘泥香移步屨佳兒不負丞金
階早攀躡養志意素堅好禮情逾浹豈徒讀父書尤知
謹家牒錦軸張芳圖珍藏啟箱篋見過徵品題自顧誠
萎薺相期非溢美駿足方高驪矧當聖明朝宜樹遠大
業上以慰翁心下以振來業

送徐文穆從弟敬赴漳浦訓導

徐門故名家唐卿昔通譜芝蘭玉樹間敬也復翹楚振
振翠麟角燿燿紫鸞羽經明得師承才高出儕侶承恩

節菴集卷二

七

入清選司訓起初武好山接閩南大邑美漳浦氣冷產
珍奇瘴息成樂土晦翁過化地絃誦儼鄒魯春芹秋桂
香登薦溢天府良由浚蒙泉庶可滋藝圃華年坐皋比
高齋講今古洗然諸子矜肅爾就繩矩官階孰崇庠職
業在修舉矧惟敦學半於己豈小補實大聲以宏吾將
拭目覩張筵鳳城隅解纜龍江澣便道一過家畫錦勝
綵舞南風荔子丹到日及夏五有書勤問安雖遠若晤
語毋令池塘草夢隔三春雨

奉和椿堂少師寄柳莊袁太常韻

二老潛邸舊所寓常相依祇今巷南北乃爾會面稀椿
堂朝垂簾柳莊晝掩扉關心藥裹富調息爐煙微老臣

戀闕情有山都忘歸書函詢近况詩筒續前徽尙憶平生言頓悟行年非來往亦風流此願終無違

節菴集卷二

八

節菴集卷第二終

節菴集卷第三

錢塘 高得暘 孟升

七言古詩

神龜

嘗聞孝弟之至通神明又聞金石可開惟至誠聖心一
念存永慕帝遣大寶昭衷情仰惟皇祖啟昌運混壹海
宇安蒼生肇基垂統有謨訓繼志述事無紛更纂脩信
史記善政恭進尊諡追鴻名羹牆顏面長對越山陵碑
表嚴經營詞垣撰述任尤重選石摹勒功非輕鳳城遙
睇夜隱隱龍潭佳氣朝盈盈那知厚壤下深固乃有鉅
石中崢嶸鳩工啟視喜色動龜靈在側真形呈拂除土

節菴集卷二

一

花露介兆卓立山骨舒晶英渾然凝就太古色扣之隱
若韶鈞聲泗濱浮磬匪異體九江納錫應同盟星辰委
耀毓陽質元武孕儲陰精光輝豈逐地埋沒肖貌實
繫天生成舉頭久爲霄漢望曳尾肯向泥塗行坤祗守
讓爲呵禁野老鋤耒徒縱橫遐哉投壁沈洛水茲焉藏
器棲神京爲祥爲福爲壽算如金如貝如瑤瓊想能前
知世當泰歛息以俟河之清禹功巍巍足並駕堯德蕩
蕩同恢宏璇穹眷顧鑒誠孝玉陛瞻覩羅簪纓小臣獻
頌效嵩祝樂與萬姓鼓舞歌昇平

畫梅爲金侍郎題

花光妙手真絕倫一生好爲梅傳神神交意會得三昧

胸中滿貯江南春戲拈剡溪七尺紙笑染蘇堤六橋水
暖風轟轟短長條香雪盈盈疎密葢銀鉤圓媚蟠烏絲
玉質溫潤無瑕疵墨痕微帶烟雨氣芳心競露冰霜姿
歸然一樹當空立雷動孤根蛟起螫莓苔斑斕凍猶黏
蘭蕙清芬暗相襲退朝花底鳴珂來錦軸看花卷復開
初疑碧紗窗下見大似白玉堂前裁工夫如此不易到
筆力翩翩奪神造人憐疎影弄寒蟾我喜繁花插晴昊
徐熙沒骨錦衣嫺補之掀篷騷命奴頓令詩興起東閣
已遣歸夢尋西湖使君何緣最鍾愛爲有歲寒心事在
枝頭生子子生仁長與皇家調鼎鼎

陳叔起小景爲胡郎中題

節菴集卷三

二

遠山近山青戢戢當戶一峰如壁立往來都作翠屏看
清高不受黃塵集故人山中星散居一時相過欣相於
談詩聊爲林下座發興欲向屏間書倚空懸腕捉斑管
毫端颯颯秋風滿龍蛇盤屈氣自長猿鶴驚呼頸爲短
紫苔畫破鋒如錐肺腑流出皆神奇人徒悠悠記歲月
我方落落攄襟期南宮官居連玉署畫裏分明舊游處
九峰秀色吾眼中泚筆重當爲公賦

淮山圖爲袁伯瑛題

桐柏山頭淮水出淮上諸山總奇崛霞光射月麗丹青
雲勢從龍捧紅日英材世出豈尋常佳氣年來倍蔥鬱
雪軒將軍司徒孫千戶侯封繼簪笏不知何處得此圖

故鄉山水能追摹連峰接嶂碧池邇喬木灌樹青縈紆
板橋渡口通徑術茅屋林背藏村墟騎驢入寺定吟叟
泛艇乘瀟多釣徒將軍年少辭家早桑梓長思生處好
某水某邱經釣游肯堂肯構關懷抱世人此意那得知
丹青屏幃閒花草錦衣行看當書行十襲斯圖作家寶

贈醫官張善齋爲高汝霖賦

三皇有書曰三墳肇啟大道宣人文天官下取藏玉府
世無其本名空聞九靈太素出西漢軒岐論醫更問難
玩辭每爲今古疑揆理元如日星粲聖賢君臣心事同
上畏天命悲人窮好生一德參造化利澤萬古蘇疲癯
秦和越人兩巨擘大闡遺文著奇蹟張公仲景出超羣

節菴集卷二

三

妙論流芳足矜式家聲世澤久益存千載更多賢子孫
德齋清風善齋續學有獨得誇專門近年挾書山水邑
恩被惠民期普及黃芽九轉金液乾芙蓉五色砂牀溼
錦封百里龍巒長西聯峯嶸東舩艖荆扉茅舍不嫌陋
乞藥與藥方傳方太學儒生吾故友有母賢如鄒孟母
一疾三年不下牀百術旁觀慙袖手高門義聚江州如
杖藜見過詢興居聽聲望氣知所苦投以七劑呻吟除
雞鳴山前天咫尺兩字平安萬金直回帆有便緘寸誠
欲以文章敷謝臆我思醫者視病人與人愛親堪比倫
翩翩後進繼先志往往孝子多忠臣何以爲生酬眷戀
試與敘醫增健羨宋清逝矣豈無人敢效因循稽作傳

送道紀邱一清回宗陽福地

青衣洞口胥山頭修眞素多仙者流仙人於世去或留
誰攀逸駕追飛翰解識紫氣知青牛僅遺一老東家丘
邱君道貌松喬儔碧睛炯炯明雙眸默契元理窮眞按
初簪晚揭爭咨諏宗陽上宮風景優梧陰竹色交清溝
丹光劍氣相纏繆神公受命鬼母愁霍莫爲厲魁敢仇
洞房火候時添抽坐斷日晷銷更籌忘年昔忝曾交游
江湖浩蕩萍蹤浮欲敘雅好嗟無繇聖人孝與重華侔
昊天罔極恩思酬猶龍立教誠堪投丹符一發徧九州
五千環珮琳琅球霄霞爲衣雲爲裘翩然齊賦登瀛洲
黃壇金籙嚴科修華堂蕊笈重繙軸霓旌絳節參鸞旂

節菴集卷二

四

眞宰下顧天垂休福資冥路覃諸幽殷禮旣備元功周
大庖燕錫羅芳羞天香滿袖風颺颺龍江湖長開維舟
臘容入柳呈春柔權郎競作趨餼謳爲君滿泛玻瓈甌
雖有鄉思無離憂山窗白鹿鳴呦呦松醪朮煎俱成筍
海蟾消息曾回不素書肯墮洪喬郵南屏春色西山秋
舊盟那忍寒汀鷗如能遲我同夷猶寄聲寥廓共詠逍
遙遊

題關山行旅圖

長雲黯慘風栗烈行人在道歸心切上坡下坡車側歔
蹄涔凍合來時轍牛毛蝟縮寒不禁車馬莫前雪易深
青袍朝士蹇驢背詩興豈爲梅花尋疾驅猶懼前山阻

關門漸近爭先覩，驗繡關吏勿作難。回風急雪方漫漫，
晚春曲和貢友初韻

香雨飄紅換新綠，雛鸞怨咽參差玉。畫闌墜露泣殘妝，
遠翠愁山蛾黛蹙。勞勞乳燕說烏衣，海天凝雲烟草迷。
東流若長西日短，惆悵花前鷓鴣厄。繡幕深沈雨聲小，
夢入神山良夜悄。鏡裏韶華又一年，曲渚雞鳴錦屏曉。

題趙仲穆雙馬圖

兩馬翩翩皆駿骨，一見人人羨神物。出身自是天駟駒，
入貢來從月支窟。雄姿逸態將翱翔，游龍騰蛟相頡頏。
霜蹄踏月照夜白，肉驥隱霧真飛黃。奚官善調不勞力，
一匹生騎牽一匹禮賢臺。望忽千金豪門爭看比，雙壁
吳興畫馬知馬情，高樹大葉長風生。春流飲去御溝滿，
秋苑牧回沙路平。吁嗟伯樂不常有，每爲驪黃分牝牡。
地上麒麟眾且奇，人中騏驎君知否。

春暉堂爲祁指揮賦時平搖回詩中及之

先王功烈彰西土，白叟黃童誦祈父。大君有命許承家，
仲子超羣能繼武。竭來持節南海南，存心忠孝人皆談。
貌貅在伍民按堵，黎獠潛蹤鰥。徙潭潘輿迎養數千里，
得侍慈闈心益喜。寒暄易地慎起居，鼎俎隨時奉甘旨。
高堂華構輪奐新，氍毹毳毼紅錦茵。晴雲煥爛窗戶曉，
淑氣坱圠屏幃春。鳳笙龍管秦箏侑春酒，雙螺介眉壽。
桃花含笑向東風，萱草忘憂開北牖。堂中慈愛和且熙。

宛若天上三春暉輝光無私到處照不以弱草徧見遺
銷霜融雪回困頓解凍生和護柔嫩眇然自顧欲報難
只有搖搖心一寸寸草雖短心甚長政與葵藿同衷腸
母恩君寵俱在上朝朝暮暮傾輝光北山梟獍雜狐鼠
二十餘年憑險阻海涵春育恬不知鼓吻磨牙猶自許
朔南一統安可容兵符渡海徵驍雄暫違膝下卽上馬
小醜已墮神籌中攀蘿履棘冒烟霧直入深山更深處
生擒首惡納械車剗穴焚巢開道路明家跋馬歌凱還
倚門喜色生蒼顏錦袍五采耀金繡拜舞不數萊衣斑
鯨濤帖帖山寂寂令譽芳聲總洋溢瓊臺增重已無雙
幕府論功須第一春暉佳扁深意存孝以事母忠事君

回鸞紫誥進高爵恩光重見來名門

節菴集卷二

六

寄曹元隱

自我度梅嶠不瞻天柱峰啼鶯變鳴蛩清江五閱秋芙
蓉豈無賴仙屏吟眺亦可供亦有潘翁坡石船丹竈莓
苔封天風汗漫浩如海幾時收我浮萍蹤旣未能端簡
祇謁搏桑宮一聽彩鳳聲囉囉又未能乘槎下邁訪五
老九江攬秀摩雲松美酒懶舉玻璃鍾空令磊塊填吾
胸年華悠悠不相待風蒲霜柳難爲容采蓮作扁舟折
竹爲長筇躡雲泛月思追從豈憚水複山重重此時此
興不可遏佳景莫負春光濃金芝初生兮瑤草方茁與
君共拾期相逢期相逢在丹壑天柱峰頭月上時好倚

南樓待歸鶴

題牧牛圖

牧牛兒無是非日出而往日入而歸長林茂樾相因依
是時東原露方晞草光照暎三春暉老牛出齧朝正飢
有角繭栗鳴相隨鳴聲何長又何悲吾聞受人之牛爲
牧之要令所欲無欠虧亦猶主家養兒時樹根盤礴春
熙熙坐見白日花閒移吁嗟兒兮將安爲食主之食衣
主衣牛飢牛飽曾無知主家可罔心誰欺牧牛兒無是
非不信牛瘦兒長肥

贈醫士唐永年爲李宗祐賦

今之業醫隨處是碩學誰如賢父子醫門論議浩無涯

節菴集卷二

七

能以儒書會其理阿翁活人人其稱有病有藥無不起
子也甯馨實克家橋梓清風生錦里新溪東畔城西隅
杏花紅繞仙人居廩收萬斛虎林穀架插百軸龍宮書
丹光發曉雪屋淨玉氣照夜雲窗虛邦人拜惠戶接屨
官長問俗門回車浮玉山人仙所謫撫字心勞病俄劇
玉函金匱爲選方鍾乳丹砂不論直清羸充實一氣和
神觀康強百骸適膺門賓客總欣欣唐家名聲逾籍籍
我行欲半東南州看山偶爲茲山留談鬪夙昔猶嗜好
能者時復相交游阿翁握手見青眼與我論心忘白頭
兒童誦比馬君寶女子亦知韓伯休子時承歡在左右
五色萊衣耀晴晝林壑秋風桂一枝階庭春雨芝三秀

箕裘繼世毋廢墜詩禮承家有傳授更期積子十全功
歸祝而翁百千壽

題浙江潮圖

羅剎江爲水之府疏鑿當年藉神禹江濤壯觀天下無
雄蓋甌閩跨吳楚其來不知自何許或云海鱗穴居時
出處此語適足欺聾瞽陰陽升降元氣中從此朝朝暮
暮至信無寒暑錢家作塘如禦侮嫋嫋初生銀一縷烏
合遙連百萬兵鷹揚漫費三千弩饒蛟愕眙巨鼇異虜
驤首掉尾呈怪獻異迭出而爭舞八月十八秋正中月
輪卓午涵晴空雪崖冰嶠光盪射瓊樓玉宇寒玲瓏岸
邊千朵青芙蓉彷彿墮在龍王宮陽侯趣駕馮夷馭後

節菴集卷三

八

至前驅急於赴龕踰褚踞兮乾關坤戶尾閭旣洩誰挽
之泝流一躍憑神助崩騰排杉莽回互作意昂頭上天
去顛倒滄溟風雨愁鞭笞赤石雷霆怒吁嗟雄哉東有
龍門西有砥柱河盤峽束兮角蠻觸之勝負靈胥忠憤
今千古肯與鴟夷俱臭腐讒言中臣臣不懼獨懼感君
君不悟臣心似水長東注有聲莫徹姑蘇臺有恨欲吞
句踐墓思古人而不見兮悵披圖而延佇鳳山早晚卜
歸期把酒臨江重作賦

杏林春曉爲吳志學賦

吳郎林中無雜木杏子千株森矗矗漁舟誤覓淄灘壇
客屨爭趨匡阜屋散衙黃蜂來採花護廩於菟臥收穀

多情對景賞心濃，累葉傳芳生意足。年年韶光豔陽時，未曙卽起常嫌遲。披衣出戶月皎皎，躡屐繞徑風差差。露房夢遠蝶猶困，烟幌意密鶯成癡。乍開睡眼如見畫，細撚吟髭爲賦詩。奚囊詩多歸更改，不盡形容春似海。瓊園賞處日增輝，金谷看來霞散采。天然活色謝丹鉛，地出生香笑蘭茝。祝融峰前有此林，吳郎家居今幾載。上醫醫國會究心，禁方肘後懸千金。竭來金華被薦剝，寤寐桑梓猶追尋。藥籠參苓不可缺，公門桃李爭相歆。願言及時樹勳業，書錦行看耀故林。

題錢舜舉寒林七賢圖

騷壇逸響何寥寥，作者逝矣誰能招。洗然七子美風度，

節菴集卷二

九

乃有遺像圖生綃，衣冠半帶晉季氣。人物絕是唐中朝，想當朝事得休暇。擬采野景歸風謠，青騾黃犢踏凍雨。蹇驢瘦馬衝寒飈，醉鞭笑停似按轡。吟鐙戲拍催聯鑣，看花多情且少待。尋梅有興非無聊，此圖我嘗見十數。高林大樹風蕭蕭，掃除閑宄存簡素。吳興筆老才尤超，方之粉墨巧塗染。奚止天地相懸遼，尙疑高李六君子。當時未見潘逍遙，道同志合氣相感。雖曠百世如同僚，畫師晚出有深意。况自昔日傳今朝，屋梁落月見顏色。妙處不待窮摹描，君不見袁安僵臥寒正驕。王維乃作雪裏之芭蕉。

謹和御讚如來大寶法王功德感應詩韻二首

大雄高舉超凡間初若與世無相關有情有感卽有應
處金剛座安如山當筵一花試拈起後來傳器無遺水
以無生法利羣生都在飲光微笑裏鹿野苑至拔提河
截流香象騰清波慈航從此廣利濟彼岸竟到何遮羅
明星現前昭不昧心印相承今幾代竹林精舍憶如新
金縷伽黎留得在法王大善悟真空與大雄尊脩證同
道風吹香播塵表慧日破闇行天中隨機應願無譽毀
堂堂獨露如如體慈眸微瞬青蓮青妙相生成紫金紫
以道與人祛障惑以法爲人除繫縛素懷善世翼皇圖
況有深緣在中國十萬里程流沙西一路指點行人迷
如摩尼珠照濁水如淨寶月涵玻璃又如陽和到幽谷
萬物生輝咸煜煜又如醍醐出雪山要令飲者沾膏馥
毗盧頂上五色光盡虛空際通微茫萬人叩首趨淨域
四眾接足循脩廊寶蓮九層花百尺捫闌攀楯從晨夕
慇懃攝授許加持細密工夫無罅隙清涼山上文殊臺
六月飛雪洗炎埃象王趣馭甯久駐龍華廣會當重開
諸天參侍祥雲繞塔影穿窗明皎皎獅音一吼天下聞
不待鳴鐘報人曉

又

法王有路趣眞覺覺者無爲爲者學言下分明直下當
衣內繫珠元爍爍爲言亦有功夫無一無之外常如如
庭前何曾見柏子東壁豈解懸葫蘆逢人那堪浪敷演

定力堅持不退轉
冰花結就火中蓮
春蛾飛出桑間繭
法王身是覺王身
如去來今三世因
天生聖人御寰宇
躬膺寶曆持金輪
以善養民視如子
尙擬求賢資孝理
都緣一念感通間
竟從三昧安詳起
聖心有願報生成
更願溥福諸蒼生
使節遙馳宣睿旨
路人迎拜騰歡聲
應憐迷途長劫劫
汨沒塵勞增垢業
多方引入眞覺門
慈悲不惜言重疊
諸天伎樂從空來
飛樓湧殿空中開
千千影現多寶塔
一一光映千華臺
靈谷山中禮眞佛
山比靈山更奇崛
欣瞻相好得從容
不比觀存成倏歎
常時他報具二嚴
六度萬行那能兼
正如周天列眾宿
徧照大地唯孤蟾
老扶幼挈來聽法
雷音鑄鑄光雪雪
酥陀上味供乳糜
龍腦諸香麝螺甲
目不暫捨身敢離
能仁一視忘等差
普令未覺獲有覺
咸因有覺超無爲
西來的意親開度
終日鍾山籠彩霧
玉音忽報日邊來
寶讚新傳天上賦
青陽獻歲敷春妍
九重蕩蕩開堯天
願承善教伸善頌
聖壽永與天齊年

九竹軒歌爲曾侍講子棨賦

佳哉居乎靜而窈兮
誰能卽徑造掖垣西
畔宮墻坳金門大
隱玉堂彥長歌淇園
之操兮一軒瀟灑市
遠無諠譎眼中不入
閒草木此君雅德我
迪知兮鮮飈自天發
爽籟春雷殿地騰神
蛟假泰筮以見稽兮
舍爾龜史咨瓊茅震
宮初畫啟乾策蒼蒼
簣應數符陽爻三三
玉立美

風度一一秀挺森烟梢想當排闥闔而呈琅玕兮金支
翠羽飛舞揚旂旃山禽水鳥低迴顧盼不敢近丹邱綵
鳳擬下高枝巢紅樓紫閣相望咫尺兮和鳴嚙然中律
呂采色爛若呈文苞退朝華裾日見過閉門拄杖時來
敲風晨月夕別有好事者問奇叩元兮載酒持肴胡牀
笑據相與坐其側清眞儘足供吟嘲新詩哦就綠筠刻
缺史借向清陰鈔錦襖乍露生意動忍效饞守思充庖
歲寒心事試與傾倒兮班聯玉筍繾綣如久要不以衰
晚輕相拋清脩高節出人表滿簪蒼雪吾方愧爾青雲
交

水竹居爲鄭伯規賦

節菴集卷三

十一

昔年曾入錢塘去行周斷橋西畔路杖藜隨步到孤山
西子湖邊竹深處孤山不改舊時青桑海塵飛歲幾更
水竹人家今在否凌波空憶珮環聲美人家在錢塘住
水竹幽居有深趣秦淮官舍偶相逢問舊興懷結愁緒
自憐落魄爲虛名誤卻平生吟嘯情歲晚誰收丹鳳實
波寒空負白鷗盟作詩贈子慚珠玉有約滄江須預卜
待子清節報君恩拂袖西湖看水竹

松雲軒爲蔡長年題

大松落落羅軒楹浮雲往來如有情清風天邊鸞鶴語
白日地上蛟龍行軒中之人足文史聲華藉甚張童子
壯心逸氣少不凡松堅雲高意相似仰看坐對哦新詩

錦囊珠璣光陸離學書尤喜學草聖墨池水湧鵝驚飛
興來一掃一萬字不用芭蕉只揮紙有時焚香理冰絃
彈得中郎舊焦尾人言之子才德俱所愛特與尋常殊
一經已授東閣易三載尙曳西湖裾吾聞其家世昌大
說是江西武夷派老人大父澤感天天馬生駒奇絕代
嶄然頭角已如斯此軒此扁誠何辭矧懷昂霄聳壑具
正值偃武脩文時九重明主恩威暢四海儒風翕相尙
明堂清廟需棟梁致身早立青雲上

題周益恭畫梅和王汝玉贊善韻

西子湖頭我昔住正對逋仙隱居處芙蓉蕩眼柳迷人
清高只有梅花樹看花長周鶴籠邊嘯歌驚醒癡蛟眠

節菴集卷三

十三

青鞋屢試雪華地綵舟橫渡冰壺天歲寒心事相期久
一別俄成廿年後素衣莫問染縑塵京國相逢總依舊
白玉堂前見故人粲然爲我輸情真誰能健步託移遠
爾獨妙手工傳神寒留餘雪橫籬落暖逐東風入帷薄
北枝更比南枝繁一色瑤花數千萼詩人老去才漫多
爲憐歲月傷蹉跎孤山入夢凡幾度尋春無計將如何
芳尊尙擬申前約翠羽啁啾畫簷角斷橋何日繫歸橈
喚起逋仙共清酌



